

Padayon nga Mangamuyo sing Balaan nga Espiritu

Nabaton ni Samson ang balaan nga espiritu kay nangamuyo sia nga hatagan sia sing kusog. (Hukom 16:28)
Sabton man ni Jehova ang imo pangamuyo nga buligan ka sang balaan nga espiritu.

BASAHA ANG LUCAS 11:5-13. Para tudluan kita ni Jesus kon paano makapangamuyo sing balaan nga espiritu, nagsugid sia sang tatlo ka ilustrasyon: 1) ang tatlo ka tinapay (bersikulo 5-10); 2) ang isda kag ang man-ug (bersikulo 11); kag 3) ang itlog kag ang iwiiwi (bersikulo 12).

Kolori ini, guntinga, kag upod sa imo abyan ukon ginikanan, i-drama ang isa sa mga ilustrasyon ni Jesus nga narekord sa Lucas 11:5-13.

Sa kada ilustrasyon, mamangkot:

- Ano ang ihatag ko kon may mangayo sing tinapay, isda, ukon itlog?
- Ano ang ihatag ni Jehova sa akon kon mangayo ako sing balaan nga espiritu?

